

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

RJEŠENJE

po Prijavi koncentracije privrednog subjekta ASA MEDICAL d.o.o.

**Sarajevo,
Maj, 2026. godine.**



Broj: UP-01-26-1-004- 9/26
Sarajevo, 21.05.2026. godine

Konkurencijsko vijeće Bosne i Hercegovine na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta Društvo sa ograničenom odgovornošću ASA MEDICAL Sarajevo, Bulevar Meše Selimovića broj 16, 71000 Sarajevo, Bosna i Hercegovina, zastupan po punomoćniku, advokatu iz Sarajeva Seadu Miljkoviću, Vrazova broj 8, 71000 Sarajevo, zaprimljenoj dana 01.04.2026. godine pod brojem: UP-01-26-1-004-1/26, na 44. (četrdesetčetvrtoj) sjednici održanoj dana 21.05.2026. godine, donijelo je

RJEŠENJE

1. Ocjenjuje se dopuštenom koncentracija na tržištu specijaliziranih bolničkih zdravstvenih usluga iz oblasti kardiologije i kardiohirurgije u Federaciji Bosne i Hercegovine, koja će nastati sticanjem isključive kontrole privrednog subjekta Društvo sa ograničenom odgovornošću ASA MEDICAL Sarajevo, Bulevar Meše Selimovića broj 16, 71000 Sarajevo, Bosna i Hercegovina nad privrednim subjektom Privatna zdravstvena ustanova – Specijalna bolnica “Centar za srce – KM”, Kranjčevićeva broj 12, 71000 Sarajevo, Bosna i Hercegovina.
2. Obavezuje se privredni subjekt Društvo sa ograničenom odgovornošću ASA MEDICAL Sarajevo da uplati administrativnu taksu u iznosu od 5.000,00 KM (pethiljada konvertibilnih maraka) u korist Budžeta institucija Bosne i Hercegovine, koju je isti dužan platiti prije ili prilikom preuzimanja ovog rješenja.
3. Ovo Rješenje o koncentraciji se upisuje u registar koncentracija.
4. Ovo Rješenje će biti objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je, dana 01.04.2026. godine pod brojem: UP-01-26-1-004-1/26, zaprimilo Prijavu koncentracije (u daljem tekstu: Prijava) privrednog subjekta Društvo sa ograničenom odgovornošću ASA MEDICAL Sarajevo, Bulevar Meše Selimovića br. 16, 71000 Sarajevo, Bosna i Hercegovina (u daljem tekstu: Podnosilac prijave ili ASA MEDICAL d.o.o.), u kojoj se navodi da se transakcija odnosi na sticanje 100% udjela Podnosioca prijave u Privatnoj zdravstvenoj

ustanovi – Specijalna bolnica „Centar za srce – KM“, Kranjčevićeva broj 12, 71000 Sarajevo, Bosna i Hercegovina (u daljem tekstu: Ciljno društvo ili Centar za srce), u smislu člana 12. stav (1) tačka b) Zakona o konkurenciji („Službeni glasnik BiH“, br. 48/05, 76/07 i 80/09) - (u daljem tekstu: Zakon).

Dopuna Prijave koncentracije izvršena je dostavom podnesaka i dokumentacije, aktima br. UP-01-26-1-004-2/26, UP-01-26-1-004-3/26 i UP-01-26-1-004-4/26 dana 14.04.2026. godine.

Pravni osnov namjeravane koncentracije je Ugovor o kupoprodaji poslovnih udjela u privrednom subjektu Centar za srce, zaključen dana 17.03.2025. godine, između fizičkog lica - Mirsada Kacile, jedinog vlasnika udjela (100% učešća u kapitalu) u Ciljnom društvu, kao prodavca i privrednog subjekta ASA Medical d.o.o., kao kupca.

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

Konkurencijsko vijeće je, u skladu sa članom 16. stav (4) Zakona, objavilo Obavještenje o prijavi koncentracije, broj: UP-01-26-1-041-5/26 od dana 21.04.2026. godine, a koje je objavljeno u dnevnoj štampi dana 24.04.2026. godine, kao i na službenoj web stranici Konkurencijskog vijeća.

Na naprijed navedeno Obavještenje nisu zaprimljeni prigovori zainteresiranih strana.

Po prijemu tražene dokumentacije, Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 20.05.2026. godine, pod brojem: UP-01-26-1-041- 7/26.

Podnosioci prijave su naveli, u smislu člana 30. stav (2) Zakona, da nemaju namjeru podnijeti prijavu za ocjenu predmetne koncentracije drugim ovlaštenim tijelima izvan teritorije Bosne i Hercegovine.

1. Učesnici koncentracije

Učesnici koncentracije su privredni subjekti Društvo sa ograničenom odgovornošću ASA MEDICAL Sarajevo, Bulevar Meše Selimovića br. 16, 71000 Sarajevo, Bosna i Hercegovina (ASA MEDICAL d.o.o.), kao sticalac u prijavljenoj koncentraciji, dok je Ciljno društvo predmetne koncentracije privredni subjekt Privatna zdravstvena ustanova – Specijalna bolnica „Centar za srce - KM“ (Centar za srce), Kranjčevićeva broj 12, 71000 Sarajevo, Bosna i Hercegovina.

1.1. Privredni subjekt Društvo sa ograničenom odgovornošću ASA MEDICAL Sarajevo, Bulevar Meše Selimovića br. 16, 71000 Sarajevo, Bosna i Hercegovina

Privredni subjekt Društvo sa ograničenom odgovornošću ASA MEDICAL Sarajevo, Bulevar Meše Selimovića br. 16, 71000 Sarajevo, Bosna i Hercegovina registrovan je kod Registra privrednih subjekata Općinskog suda u Sarajevu, pod matičnim brojem subjekta – MBS: 65-01-0626-23, JIB 4203206640009, a osnovano je i posluje od 2023. godine u okviru ASA Medical Grupacije.

ASA Medical Grupacija je organizovana kao povezana mreža privatne zdravstvene zaštite, u kojoj se pacijentima omogućava da kroz jedan sistem dobiju usluge na više nivoa (ambulantno/poliklinički i bolnički segment), uz međusobno upućivanje i kontinuitet liječenja. U okviru ove grupacije, uloga privrednog subjekta ASA Medical je da djeluje kao društvo na čelu holdinga koje ne pruža nužno usluge pacijentima kao zdravstvena ustanova, nego prvenstveno upravlja, organizuje i povezuje rad kapaciteta u mreži.

ASA Medical svoje aktivnosti u okviru mreže realizuje putem sljedećih povezanih društava, od kojih jedno pruža usluge na relevantnom tržištu predmetne koncentracije:

1. Privatna zdravstvena ustanova Opća bolnica ASA BOLNICA Sarajevo, Džemala Bijedića 127, 71000 Sarajevo (skraćena oznaka firme: ASA BOLNICA), registrovana je kod Registra privrednih subjekata Općinskog suda u Sarajevu, pod matičnim brojem subjekta (MBS): 65-05-0005-24.

ASA BOLNICA je bolnički segment grupacije, tj. ustanova kroz koju se pružaju bolničke i specijalističke usluge koje zahtijevaju bolničku infrastrukturu i organizaciju.

(..)*

2. Privatna zdravstvena ustanova „EUROFARM - CENTAR POLIKLINIKA“ Sarajevo, Butmirska cesta 10, 71000 Sarajevo (skraćena oznaka firme: PZU EUROFARM-CENTAR POLIKLINIKA Sarajevo) registrovan je kod Registra privrednih subjekata Općinskog suda u Sarajevu, pod matičnim brojem subjekta (MBS): 65-05-0009-16.

PZU EUROFARM - CENTAR POLIKLINIKA Sarajevo je polikliničko - ambulantni segment mreže i bavi se pružanjem konsultativno - specijalističkih i polikliničkih usluga.

Privredni subjekt ASA Medical nema direktnu kontrolu nad privrednim subjektom PZU EUROFARM-CENTAR POLIKLINIKA Sarajevo, čiji je vlasnik drugi privredni subjekt – ASA INVEST d.o.o. Sarajevo (sa 90% vlasništva), koji je ujedno i vlasnik privrednog subjekta ASA MEDICAL d.o.o., te ne postoji preklapanje aktivnosti na istom relevantnom tržištu učesnika predmetne koncentracije.

3. Privredni subjekt Društvo za promet medicinskim sredstvima i opremom ASA MEDITECH d.o.o. Sarajevo (skraćena oznaka firme: ASA MEDITECH d.o.o. Sarajevo), ul. Džemala Bijedića 127, 71000 Sarajevo, registrovan je kod Registra privrednih subjekata Općinskog suda u Sarajevu, pod matičnim brojem subjekta (MBS): 65-01-0639-21.

(..).

(..).

1.2. Privatna zdravstvena ustanova – Specijalna bolnica „Centar za srce – KM“ (Ciljno društvo)

Privredni subjekt Privatna zdravstvena ustanova – Specijalna bolnica „Centar za srce – KM“ (skraćena oznaka firme: PZU – Specijalna bolnica Centar za srce), Kranjčevićeva broj 12,

71000 Sarajevo, osnovan je pri Registru privrednih subjekata Općinskog suda u Sarajevu pod matičnim brojem (MBS): 65-05-0002-18, JIB: 4202472150002.

Privredni subjekt Centar za srce je privatna zdravstvena ustanova koja obavlja zdravstvenu djelatnost u skladu sa relevantnim propisima iz oblasti zdravstvene zaštite. Osnovna djelatnost Centra za srce odnosi se na pružanje specijaliziranih bolničkih zdravstvenih usluga u oblasti dijagnostike i liječenja kardiovaskularnih oboljenja.

U okviru svoje djelatnosti, privredni subjekt Centar za srce pruža zdravstvene usluge iz oblasti kardiologije i kardiohirurgije, uključujući dijagnostičke, terapijske i operativne postupke u liječenju kardiovaskularnih bolesti, te djeluje kao specijalizirana zdravstvena ustanova usmjerena na dijagnostiku, interventno i operativno liječenje pacijenata sa kardiovaskularnim oboljenjima.

(..).

Privredni subjekt Centar za srce nema direktno povezanih društava na relevantnom tržištu (u kojima pojedinačno ili zajedno ima 10% ili više udjela u osnovnom kapitalu, odnosno 10% ili više prava glasa), a naprijed navedeni vlasnik udjela Ciljnog društva, suvlasnik je i sljedećih privrednih subjekata:

- KGH BH društvo sa ograničenom odgovornošću za konsalting, Kranjčevićeva broj 12, 71000 Sarajevo i
- Društvo sa ograničenom odgovornošću „MEDICOR“ d.o.o., Tešanjaska 24A, 71000 Sarajevo.

(..).

(..).

(..).

(..).

Navedena društva nisu predmet koncentracije i ostaju u vlasništvu vlasnika udjela Ciljnog društva, odnosno njihova vlasnička struktura ostaje nepromijenjena.

2. Pravni okvir koncentracije

Konkurencijsko vijeće je u provođenju postupka ocjene dopuštenosti koncentracije primijenilo odredbe Zakona, Odluke o načinu podnošenja prijave i kriterija za ocjenu koncentracija privrednih subjekata („Službeni glasnik BiH“, broj 34/10), Odluke o utvrđivanju relevantnog tržišta („Službeni glasnik BiH“, broj 18/06 i 34/10) i Odluke o definisanju kategorija dominantnog položaja („Službeni glasnik BiH“, broj 34/10).

3. Pravni osnov i oblik koncentracije

Kao pravni osnov ove koncentracije Podnosilac prijave je, u smislu člana 30. stav (1) tačka a) Zakona i člana 9. tačka f) Odluke o načinu podnošenja prijave i kriterijumima za ocjenu

koncentracija privrednih subjekata, dostavio Ugovor o kupoprodaji poslovnih udjela u privrednom subjektu Centar za srce (u daljem tekstu: Ugovor o kupoprodaji), zaključen dana 17.03.2026. godine između fizičkog lica, Mirsada Kacile, kao Prodavca i privrednog subjekta ASA Medical, kao Kupca.

U tački 2.1. Ugovora o kupoprodaji navodi se da se, ukoliko uvjeti budu ispunjeni, Prodavac obavezuje da proda i prenese na Kupca, a Kupac se obavezuje da od Prodavca kupi i stekne 100% udjela u Ciljnom društvu, sa svim pravima i imovinom koji su s njim povezani (uključujući, bez ograničenja, prava glasa i pravo na isplatu dobiti Ciljnog društva).

(..).

Pravni oblik koncentracije, u smislu člana 12. stav (1) tačka b) pod 1) je stjecanje kontrole ili dominantnog utjecaja jednog privrednog subjekta, odnosno Podnosioca prijave, nad Ciljnim društvom, kupovinom udjela osnovnog kapitala.

4. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

U skladu sa članom 2. stav (1) tačka b) Odluke o načinu podnošenja prijave i kriterijumima za ocjenu koncentracija privrednih subjekata, učesnici koncentracije sa sjedištem i prebivalištem u Bosni i Hercegovini obavezni su prijaviti namjeravanu koncentraciju ukoliko su ispunjeni uslovi iz člana 14. stav (1) tačka b) Zakona.

Ukupni godišnji prihodi privrednih subjekata, učesnika koncentracije, izraženi u konvertibilnim markama, na dan 31.12.2025. godine su sljedeći:

(..)*

Izvor: Podaci iz Prijave

Prema navedenim podacima (*Tabela 1.*) privredni subjekti učesnici koncentracije ispunjavaju uslove ukupnog godišnjeg prihoda, iz člana 14. stav (1) tačka b) Zakona.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju

međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Prema članu 3. stav (3) Zakona, relevantno geografsko tržište obuhvata cjelokupan ili značajan dio teritorije Bosne i Hercegovine na kojem privredni subjekti djeluju u prodaji i/ili kupovini relevantnog proizvoda i/ili usluga pod jednakim ili dovoljno ujednačenim uslovima i koji to tržište bitno razlikuju od uslova konkurencije na susjednim relevantnim geografskim tržištima.

Podnosilac prijave smatra da se relevantno tržište proizvoda predmetne koncentracije može definisati kao tržište specijaliziranih bolničkih zdravstvenih usluga iz oblasti kardiologije i kardiohirurgije, koje uključuju prateće dijagnostičke, terapijske i postoperativne usluge koje su neophodne za pružanje navedenih zdravstvenih usluga, pri čemu se iste smatraju akcesornim uslugama kardiologije i kardiohirurgije.

U odnosu na geografsku dimenziju relevantnog tržišta, Podnosilac prijave, između ostalog, navodi sljedeće:

Centar za srce je geografski lociran u Sarajevu, odnosno na području Kantona Sarajevo, te posluje kao specijalna privatna bolnica koja svoje usluge pruža (i) pacijentima koji dolaze po privatnoj narudžbi (samofinansiranje), i (ii) pacijentima koji se upućuju/finansiraju putem fonda zdravstvenog osiguranja zbog čega pacijenti sa teritorije cijele Federacije Bosne i Hercegovine mogu biti upućeni na tretman i zbrinjavanje u ovoj ustanovi.

U skladu sa pristupom Evropske komisije, relevantno geografsko tržište predstavlja područje na kojem su uslovi konkurencije dovoljno homogeni i koje se može razlikovati od susjednih područja. U praksi Komisije, tržišta zdravstvenih (posebno bolničkih) usluga se često posmatraju kao lokalna ili regionalna, pri čemu se u pojedinim predmetima koriste koncepti gravitacionih zona (npr. radijusi određenog broja kilometara) (predmet *M.8146 Carlyle/Schon Family/Schon Klinik*).

(..)*.

Uzimajući u obzir da se relevantno tržište proizvoda predmetne koncentracije ima definisati u skladu sa aktivnostima Ciljnog društva temeljem kojih isto ostvaruje prihod, kao relevantno tržište predmetne koncentracije usluga, utvrđeno je tržište specijaliziranih bolničkih zdravstvenih usluga iz oblasti kardiologije i kardiohirurgije.

Sljedom navedenog, relevantno tržište predmetne koncentracije je tržište specijaliziranih bolničkih zdravstvenih usluga iz oblasti kardiologije i kardiohirurgije u Federaciji Bosne i Hercegovine.

(..)*.

(..)*.

Tržišni udjeli učesnika u transakciji, kao i njihovih konkurenata na predloženom relevantnom tržištu prikazani su u sljedećim tabelama:

(..)

Izvor: Podaci iz Prijave

(..)

Izvor: Podaci iz Prijave

Prema naprijed navedenom, procjena tržišnog učešća učesnika koncentracije i njihovih glavnih konkurenata na relevantnom tržištu specijaliziranih bolničkih zdravstvenih usluga iz oblasti kardiologije i kardiohirurgije u Federaciji Bosne i Hercegovine predstavljeno je u sljedećoj tabeli:

(..)

Izvor: Podaci iz Prijave

(..).

(..).

Analiza dostavljenih podataka koji prikazuju tržišno učešće učesnika koncentracije i njihovih konkurenata na relevantnom tržištu ukazuje da predmetna koncentracija ne rezultira značajnijim povećanjem tržišnih udjela učesnika koncentracije, niti do značajnije promjene strukture relevantnog tržišta, koje i dalje karakteriše prisustvo više snažnih konkurenata učesnika koncentracije.

6. Ocjena koncentracije

Kako se navodi u Prijavi, razlozi kojima se koncentracija pravno i ekonomski obrazlaže jeste da se kroz ulazak u vlasničku strukturu Ciljnog društva osigura dugoročan razvoj i stabilno poslovanje zdravstvene ustanove Centar za srce, kao i dalje unapređenje pružanja specijaliziranih zdravstvenih usluga iz oblasti kardiologije i kardiohirurgije, koje spadaju među najsloženije medicinske djelečnosti i koje zahtijevaju kontinuirana ulaganja u savremenu medicinsku opremu, razvoj bolničke infrastrukture, kao i angažman visokospecijaliziranog medicinskog kadra. U tom smislu, prema Podnosiocu prijave, realizacija predmetne koncentracije će omogućiti dodatna ulaganja u razvoj medicinske infrastrukture, nabavku savremene medicinske opreme i jačanje stručnih kapaciteta zdravstvenih ustanova koje pružaju ovakve usluge, te posljedično, ulazak Podnosioca prijave u vlasničku strukturu Ciljnog društva treba doprinijeti stabilnijem finansijskom i organizacionom okviru za dalji razvoj ove zdravstvene ustanove.

Prema Podnosiocu prijave, predmetna koncentracija također omogućava bolje korištenje organizacionih i upravljačkih kapaciteta unutar grupacije Podnosioca prijave, što može doprinijeti efikasnijem upravljanju resursima i dalje razvoju zdravstvenih usluga koje pruža

Centar za srce. U tom smislu, očekuje se da će koncentracija omogućiti dalji razvoj postojećih medicinskih programa, kao i potencijalno proširenje spektara medicinskih usluga koje ova zdravstvena ustanova može pružati pacijentima. Dalje se naglašava da predmetna koncentracija ne predstavlja spajanje dva značajna konkurenta na relevantnom tržištu, odnosno da Podnosilac prijave nije neposredno prisutan na tržištu specijaliziranih bolničkih zdravstvenih usluga iz oblasti kardiologije i kardiohirurgije, već se njegovo prisustvo ostvaruje isključivo posredno putem povezanog društva ASA Bolnica, čiji je tržišni udio vrlo ograničen i procjenjuje se na manje od 1%, te stoga realizacija predmetne koncentracije ne dovodi do značajnog povećanja zajedničkog tržišnog udjela niti do jačanja tržišne snage učesnika koncentracije.

Nadalje, navodi se da preklapanje učesnika koncentracije postoji samo u segmentu pružanja kardioloških usluga, uključujući dijagnostiku te invazivne i interventne kardiološke procedure, dok privredni subjekt ASA bolnica ne pruža kardiohirurške operativne zahvate, te da iz tog razloga predmetna koncentracija ne dovodi do uklanjanja konkurenata sa tržišta, niti do smanjenja broja zdravstvenih ustanova koje pružaju kardiohirurške zahvate. Relevantno tržište, navodi se, karakteriše prisustvo više zdravstvenih ustanova koje pružaju usluge iz oblasti kardiologije i kardiohirurgije, uključujući velike javne kliničke centre u Sarajevu, Tuzli i Mostaru, kao i druge zdravstvene ustanove koje pružaju ove medicinske usluge.

U odnosu na očekivane pogodnosti koje će nastati provedbom koncentracije sa stanovišta interesa potrošača, u Prijavi se navodi da se očekuju određene pogodnosti za pacijenta, kao korisnika zdravstvenih usluga, prije svega u pogledu unapređenja kvaliteta zdravstvenih usluga, daljeg razvoja medicinskih kapaciteta, kao i povećanja dostupnosti specijaliziranih zdravstvenih usluga iz oblasti kardiologije i kardiohirurgije, te će omogućiti dodatna ulaganja u razvoj zdravstvene infrastrukture, nabavku savremene medicinske opreme i unapređenje tehnoloških kapaciteta zdravstvene ustanove Centar za srce.

Isto tako, predviđa se dodatna korist za pacijente u mogućnosti daljeg razvoja medicinskih programa i potencijalnog uvođenja novih dijagnostičkih i terapijskih procedura. Istovremeno, jačanje organizacionih i operativnih kapaciteta zdravstvene ustanove može doprinijeti efikasnijoj organizaciji rada i boljoj dostupnosti zdravstvenih usluga za pacijente. U praksi to može rezultirati kraćim vremenom čekanja za određene preglede i zahvate, kao i većom fleksibilnošću u organizaciji pružanja zdravstvenih usluga.

Podnosilac prijave posebno ističe da prema dostupnim podacima Zavoda zdravstvenog osiguranja FBiH, na relevantnom tržištu postoji značajna potražnja za kardiohirurškim i kardiološkim zahvatima, te da određeni broj pacijenata svake godine ostaje na listama čekanja zbog ograničenih kapaciteta zdravstvenih ustanova. Prema dostupnim podacima Zavoda, zaključno sa 31.12.2024. godine, na listi čekanja bilo je evidentirano ukupno 1249 pacijenata, od kojih je 1192 čekalo na usluge kardiologije, dok je 57 pacijenata čekalo operativne zahvate.

Nadalje, u Prijavi se navodi da koncentracija može doprinijeti i širenju mogućnosti izbora za pacijente, što je posebno značajno u oblasti liječenja kardiovaskularnih oboljenja, gdje postoji stalna potreba za povećanjem dostupnosti specijaliziranih medicinskih usluga. Sa aspekta cijena zdravstvenih usluga, potrebno je imati u vidu da se značajan dio usluga iz oblasti kardiologije i kardiohirurgije na relevantnom tržištu pruža u okviru sistema finansiranja putem Federalnog zavoda zdravstvenog osiguranja i reosiguranja, pri čemu se cijene i obim usluga u velikoj mjeri određuje kroz sistem ugovaranja sa Zavodom. U takvom sistemu pojedinačne zdravstvene ustanove imaju ograničen uticaj na formiranje cijena zdravstvenih usluga koje se finansiraju iz sredstava javnog zdravstvenog osiguranja.

Na osnovu naprijed navedenog, kao i analizom podataka iz tačke 5. ovog Rješenja, Konkurencijsko vijeće utvrđuje da provođenje predmetne koncentracije neće imati negativan utjecaj na relevantno tržište i njegovu strukturu, stvarne i potencijalne konkurente, odnosno da ista neće dovesti do stvaranja dominantnog položaja Podnosioca prijave. Sa stanovišta interesa potrošača ista može imati pozitivan efekat na relevantnom tržištu, kroz unapređenje kvaliteta zdravstvenih usluga, razvoj medicinskih kapaciteta, potencijalno uvođenje novih medicinskih procedura, kao i povećanje dostupnosti specijaliziranih zdravstvenih usluga iz oblasti kardiohirurgije i kardiologije.

6. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», broj 30/06, 18/11 i 75/18), je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

Podnosilac prijave je dužan dokaz o obavljenoj uplati administrativne takse dostaviti prije ili prilikom preuzimanja ovog rješenja, u skladu sa članom 3. st. (1) i (2) pod b) Odluke o visini administrativnih taksi u vezi sa procesnim radnjama pred Konkurencijskim vijećem.

U slučaju da Podnosilac prijave ne izvrši uplatu administrativne takse, Konkurencijsko vijeće će putem Pravobranilaštva Bosne i Hercegovine zatražiti prisilnu naplatu iste.

7. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednica

Ninela Salihbašić

Dostaviti:

1. Podnosilac prijave, putem punomoćnika
2. U spis